

SiōngChú sī Póhōchiá

(Tabít ê peh kiá'á ê si.)

- 1 Goān Isulael lāng kóng,
Nā m̄ sī SiōngChú pangchān, goán ē ánychóaⁿ?
- 2 Nā m̄ sī SiōngChú pangchān goán,
tī lāng khílai kongkek goán ê sī,
- 3 goán chá tòh tī in tùi goán ê tōa siūkhì tiong,
oáhoáh hō in thunchiáh lóhpak.
- 4 Hit sī, tōa chúí ittēng chá tòh kā goán chhiong
cháu,
hōchúí ittēng chá tòh kā goán imbát,
- 5 hongkōng ê chúí mā chá tòh imkòe goán.
- 6 SiōngChú sī engkai siū oló ê!
Inūi l bô kā goán kau hō tùiték khì thiah chiáh
lóhpak.
- 7 Goán chhinchhiūⁿ chiáu'á tōlī liáh chiáu lāng ê
lôbāng;
lôbāng phòalih, goán tòh tôthoat.
- 8 Goán ê pangchān sī khò SiōngChú ê miâ,
l sī chhòngchō thiⁿtē ê Chú.

上主是保護者

(大衛 ê peh 崎 á ê 詩。)

- 1 願以色列人講：
若 m̄ 是上主幫贊，阮 ē án 怎？
- 2 若 m̄ 是上主幫贊阮，
tī 人起來攻擊阮 ê 時，
- 3 阮早 tòh tī in 對阮 ê 大受氣中，
活活 hō in 吞食落腹。
- 4 Hit 時，大水一定早 tòh kā 阮沖走，
河水一定早 tòh kā 阮淹密，
- 5 凶狂 ê 水 mā 早 tòh 淹過阮。
- 6 上主是應該受 oló ê !
因為祂無 kā 阮交 hō 對敵去拆食落腹。
- 7 阮親像鳥 á 逃離掠鳥人 ê 羅網；
羅網破裂，阮 tòh 逃脫。
- 8 阮 ê 幫贊是靠上主 ê 名，
祂是創造天地 ê 主。